

Bosna i Hercegovina
DRŽAVNA REGULATORNA KOMISIJA
ZA ELEKTRIČNU ENERGIJU

Broj: 05-28-12-187-4/16
Tuzla, 30.05.2017.

Na osnovu člana 8. stav (4) i člana 38. Pravilnika o licencama ("Službeni glasnik BiH", broj 63/16), i člana 36. Poslovnika o radu Državne regulatorne komisije za električnu energiju ("Službeni glasnik BiH", broj 02/05), na sjednici Državne regulatorne komisije za električnu energiju, održanoj 18. 05. 2017. godine, donijet je

ZAKLJUČAK

O ODBACIVANJU ZAHTJEVA U POSTUPKU IZDAVANJA LICENCE

I

Odbacuje se kao nepotpun zahtjev za izdavanje privremene licence za obavljanje djelatnosti međunarodne trgovine električnom energijom, koji je podnijelo Društvo "LE Trading BH" d.o.o. Banja Luka.

Obrazloženje

Društvo "LE Trading BH" d.o.o. Banja Luka (u daljem tekstu: podnosilac zahtjeva) podnijelo je Državnoj regulatornoj komisiji za električnu energiju (u daljem tekstu: DERK) zahtjev broj: 05-28-12-187-1/16 od 17. 06. 2016. godine za izdavanje privremene licence za obavljanje djelatnosti međunarodne trgovine električnom energijom.

Shodno članu 8. Pravilnika o licencama, DERK je pregledao zahtjev i utvrdio da isti mora biti dodatno upotpunjen o čemu je podnosilac zahtjeva obaviješten dopisom broj: 05-28-12-187-2/16 od 12. 07. 2016. godine.

Novim dopisom broj: 05-28-12-187-3/16 od 14. 03. 2017. godine podnosilac zahtjeva je pozvan da još jednom razmotri predočene mu nedostatke zahtjeva i da iste otkloni u roku od 30 dana. Podnosilac zahtjeva ni na ponovljeni poziv DERK-a nije reagirao i dostavio validan dokaz o ispunjenju posebnog kriterija iz člana 30. tačka d) Pravilnika o licencama o upisanom i uplaćenom osnovnom kapitalu u iznosu od najmanje jedan milion KM.

Po proteku svih rokova za upotpunjenje zahtjeva i otklanjanje uočenih nedostataka, nakon nesporno demonstrirane pasivnosti i potpune nezainteresiranosti podnosioca zahtjeva da to u ostavljenim ili razumnim rokovima učini, donosi se zaključak kao u dispozitivu. Donošenjem ovog zaključka Društvo "LE Trading BH" d.o.o. Banja Luka neće biti spriječeno da ponovno podnese zahtjev za izdavanje licence.

Kako je za ovakav ishod podnosilac zahtjeva sâm zaslužan, to mu naknada koju je platio prilikom podnošenja zahtjeva za izdavanje licence, u skladu sa Odlukom DERK-a o visini jednokratne naknade za provođenje postupka u skladu sa Pravilnikom o licencama ("Službeni glasnik BiH", br. 41/13 i 17/16), neće biti vraćena.

Predsjedavajući Komisije

Suad ZELJKOVIĆ